


Papalot

Ne'g zid gan xku'n ugit minndo' papalot boga, gana xku'n uxuxkwa' papalot gana bekwa'n uyu'nnstsi'n minndo' lo gil ugit knu.

Boga mbël kwan ugit minndo' lo boga giend selular loxna lë' minndo' mbël kwan ugit. Sande lë' lo na lë' minndo' sikiotsche celular nikla xla'ndache minndo' kit minndo'.


Gu'n chakstsi'n lo papalot




Or lë' minndo' xla'n iza' papalot lë' minndo' gane'chda xia den xgib pkodz go'b. Di't xia minndo' xgib minndo' pkodz go'b nak chow ranch, kwadën, gana dën inis. Lë' minndo' chu'nnstsi'n pkodz go'b lo nki'xu, loxna xnusa xiepu lo me.

Ga dzekna lë' minndo' sia sdzinn lidz,
loxna lë' minndo' xgib bolsna, du' ilna tijerna.
Loxna or lë' minndo' chapla ichë gu'n ikin lë'
minndo' chuslo chuxkwa' papalot.


Gane'chda xlit minndo' gix gu'n kë lëd
pkodz go'b, ga dzekna lë' minndo' xgi'ts chop
pkodz go'b tibaga medid. Lë' pkodz go'b knu yu
mase chop kward.



Ga dzekna lë' minndo' sdzën tijer xchug
bols. Minndo' nan gan be kwadrad chug bols
ota mixkodz.





Xlox xchug minndo' bols læ' minndo' xkë
krus pkodz go'b lo bols.





Ga dzekna læ' minndo' xchug nup du' il
dzekna xia'g kad xkin bols, di't sdzinn tipga
tipga gik pkodz go'b, gana xia'g læ'wu di't chak
krus pkodz go'b. Xlox xia'gu læ' minndo' xchug
snup bols gu'n chak xkodz papalot.

Læ' bols gu'n chak xkodz papalot nak xi'k
nak tip du' no'l. Læ' bols knu dzekna xchug
minndo' lay minndo' ota ña minndo'.





Xloxga dzekna lë' minndo' sdzo'b bols knu chop xki'n papalot. Ndip xiagu dzekna giakdu.




Ga dzekna lë' minndo' sdzo'b nup du' il lëwu, di't chak kruz pkodz go'b, loxna xan du' knu xia'g snup bols dzekna gik bols knu xia'g du' il gu'n nchal lëd tib pkodz win dzekna gunula iki'n or lë' papalot xo'bnis.

Lë' bols xiu lë'wu du' xki'n dzekna or lë' papalot zikë giala lë' minndo' xgobncha du' ndip dzekna lë' bols knu xchasyë, dzekna lë' papalot sia xiepche lo me. Ga lë' minndo' xto'bgiyaga du' il lëd pkodz.



Ga dzekna lë' minndo' xcho'bnisu. Nupga nupga xgob ncha minndo' du' il dzekna xka lë'wu chuslo xiep lo me. Yu minndo' xkë'ñawu karël dzekna lë'wu xiep lo me nupga nupga, yuga minndo' xio'biche xits nupga nupga loxna xchinchawu nupga nupga dzekna xka lë'wu chuslo xiep lo me. Or lë'wa zikëla axta gia lë' minndo' dzela sdzu nonga du'la stsil minndo' nupga nupga dzekna lë'wu giache sia xcho'bnis.



Or lë' nup me xob lë'wu xnusa xcho'bnis,
sanda lë' or lë' me xobda nikla gakda xo'bnisu.
Or lë'wa zikëla lo me do' lë' minndo' xchincha
du' il gu'n zën minndo' ndip dzekna lë' bols
gu'n yu lë'wu du' xchugyë.


Dzekna lë' papalot sia xiep lo me do'. Yu
or niki minndo' nanda ba lo xiabu, yu orna
lë'wu chag lo yag, yuga or lë'wa chag lëd kabl
xni.

Lë' du' gu'n xchug minndo' xan papalot
xto'bgiy minndo' lëd tib pkodz win, dzekna
ixidtu lox lë' minndo' xgutsëwa dzekna du'
knuga iki'n lo minndo' or lë' minndo' sdza' stib
papalot.



Or lë' minndo' xgit papalot nki'n izo'b
minndo' nchob kwidad lo or lë' minndo'
xiobiche xits ndze'b ba nit minndo' ota or lë'
minndo' xkë' karel ndzeb ichal niy minndo' ba
giab minndo'. Gunu nki'n izo'b minndo'
kwidad lo yu or lo nle minndo' xwi y minndo'
lë' papalot zikë lo me loxna xwi yda minndo' ba
sdzu niy minndo'.

Gununa or lë' minndo' kit papalot nki'n
gwi y tib minngol lo minndo' dzekna sakzida
minndo'.



Lë' libr che'n uya' dzekna dela chu minndo' win xla'n ise'd
iza' papalot zak gwiw minndo' lo libr chen. Nu zi'd gan
xku'n xia' papalot gana bepa kwa'n gu'nnstsi'n minndo'
iza' minndo' papalot.